

# 冬九县图誌

## 附白馬岡

(内部参考)

民族文化宫图书馆复制

1962年3月10日

K297.5  
131

## 说 明

本书系根据重庆市图书馆所藏刘赞廷藏稿和四川省民族事务委员会替我馆在刘赞廷家中搜集到的一些资料草稿复制的。

刘赞廷河北人，清末在川滇边务大臣兼驻藏大臣赵尔丰下任职。民国初年任川边军分统，后又任四川省蒙藏委员会调查室主任等职务。此稿据他自己说是：历边十四年，从事研究夷务”时辑录而成。（见“边藏刍言”）

依“边藏刍言”（刘赞廷著）记载，此稿包括：（甲）边务记录八十余卷……（乙）像片三千余张……（丙）地图五十多张……。现存的稿件除照片已佚散不少外，其他稿件和原记载大体相符。内容计有“西藏道省记略”、“西藏历史概要”、“赵尔丰奏议公牍”以及原康藏地区地方志等。对原康藏地区的山川形势，地城沿革，政治经济，风土人情，历代遗踪，喇嘛寺观以及所谓“改土归流”的经过，都有所记载，对原康藏的史地研究，有一定的参考价值。

原稿颠倒零乱，附件夹杂很多，有上下矛盾接不上的地方和错别字句，对此我们均未作~~任何补充和修改~~，仅对无法辨认的字，根据上下文的意思代为填入。地图多系草图，我们选印了其中比较完善的附于书后。照片尚存三百余张，多系名胜古蹟，风景人物，关隘佛寺，土人习俗等，均无说明，故未复制。

民族文化宫图书馆

1960年12月

# 冬九县目录

方位 治所 山川 道路

气候 花木 鸟兽 药材

寺院 风俗 遗踪

冬九藏名苏尔冬城原属波密置以营官鈐束地方亦名下波密  
於宣统三年克服设治遂改为冬九县其沿革与波密县同

附駐藏大臣及罗参贊公牘一束

为饬知事五月初七日案准四川总督部电复江孜轉联大臣鉴  
与密电悉已奏派鳳都統山督率西軍中營及彭營由頑般多进攻后  
營由察達岡夾攻新街鍾軍即駐紮工布以資鎮攝并防波匪竄逸等  
因准此查邊軍既已分道而进波匪勢必分道而迎我軍乘机以可並  
进夾攻俾使該逆首尾不能相顧但須總紮穩打素知該參贊娴於軍  
學當落人之后特此轉知切切

为申报事參贊於四月二十六日至德摩点驗軍队安置銜兵勘  
查地理形勢及派員駐紮江达轉輸糧餉各在案茲奉轉知四川总督  
部堂奏派都統鳳山督率各營分道來援我兵亦當乘机进攻以分賊  
勢等因准此竊查駐德摩之兵現有兩營兩連兵力不為不厚正在整  
理以備进攻據密探報称匪據魯朗千余人早晚來犯除防禦外查魯  
朗以南德摩之東南有格布溝一路亦為通下波密大道如我兵進取  
魯朗甚恐匪由此路來犯扰我后路如兩路並進又恐兵力不敷參贊  
已令駐防工布土兵來此先行堵禦格布溝再行前进今邊軍分头來  
援賊勢必分我軍乘机进攻适合时宜參贊已移知導統領隨時互通  
消息双方併進以分賊勢謹請毋虞惟有第三營管帶陳渠珍既敗之  
后又與張鴻昇不合本應撤職韋念新敗代罪立功特此申請鑒核須

至申者五月十九日

为照会事窃於宣統三年六月十六日奉驻藏大臣联衔知准四川总督都堂奏派凤督护率領西軍中營反彭營由礮般多進攻后營由察窪岡夾击折饬鍾嶺即駐紮工布以資鎮擾并防波匪竄逸等因奉此伏查藏軍現有步兵兩營礮兵一連騎兵一連駐防工布之德摩东距冬九凹站待援反攻貴軍何日由何进攻请其預先示知俾使双方竝进使该匪首尾不能相顧并望随时函示互通消息以联络申联大臣特此照会須此照会者罗長琦六月十七日

岐峯統領仁兄大人 鍔鑒巴塘一別瞬經一載台端平三岩取得榮今又远道来援钦佩莫名闻彭營前头步队已入波境諒跳梁小醜不足邊軍一戰當為西藏以及國家共同一賀弟自本年四月初奉命駐紮德摩整理殘軍以備待援返攻以后猶望隨時指授机宜謝國樑一營由台端指揮查波匪重在喇嘛諒有所聞鍾鼓鳴爭經弟立保現為造幣總辦俟軍務平定仍請接授管理以全友誼特此佈達敬請勅安弟長琦六月十七日

为申报克服魯朗事窃參贊於六月十二日率隊进攻魯朗於午后三鐘行抵距魯朗凹五里之泥馬有偏橋一道匪數百人壘卡據守我軍衝鋒痛击乃卡堅且深步槍無效用大炮轟之一面令張鴻昇馬隊由上游渡河抄其后路陳渠珍率兩連攀登左山由上指卡內射击該匪漸有动摇之勢參贊兵猛撲隊長祥麟先奪橋頭要卡一道立斬紅衣匪首一人賊勢不支經張鴻昇从后路截击竄逃而散遂克取魯

朗时已八点钟百姓逃之已空即布卡防守仍派士兵四路侦察是役也击匪百余人我兵亦有伤亡拟在此休兵一日再为前进特此申报伏乞鉴核须至申者

为申报克服冬九事於六月十三日据密探报称驻冬九番目係波密酋長之弟名德塞吉吉兇恶不群聚匪三千余人势盛囂张以为抗拒我军既至魯朗进则为宜守则为逸乘一鼓作气前进以标統陈庆携帶四連大炮一門为前队參贊督兵为后队三更造饭五更拔队出发至午后一钟前队抵达冬九而匪将大桥拆去据河对岸壘卡拒守幸河面不寬陈庆令一連繞道上游以繩渡河一面用大炮雷轟对岸使匪不能出卡乘时搭桥匪潰欲奔老寨我上游渡河之已至截击大兵过河連战皆捷待參贊至时陈庆已入冬九矣是役也击匪百余我军一卒未伤复得冬九皆賴我帅之鴻福俟后探明如何情形再陈报特此申请俯賜鑒核須至申者

为申报兵进入郎登事前呈匪退湯墨格撫冬九百姓投诚各事宜谅邀鑒於六月二十一日据管帶謝國樑稟報同邊軍管帶彭日昇於六月初五日由頑般多进兵初九日破傾多寺二十四日得宜魯卡宿木宗等处欲攻逆匪白馬策翁見各軍猛进唯即逃往白馬岡現謝國樑同彭營已至彝貢距冬九以北僅有二日程鳳統領駐紮傾多寺督率各營驅剿中波密甚以得手參贊拟先进兵噶郎搜剿下波密乃湯墨大桥被拆毀河寬水急工程浩大即令标統陈庆进驻八郎登公近等处鳩工造桥俟桥工完竣再为前进复查白馬策翁逃亡

係由薄藏布河經滴動火熱大橋逃往白馬岡此地在冬九以相距四五站已令管帶張鴻昇率領全營進駐拔多雄相机進剿並飭由藏帶來喇嘛攜其告示前往宣慰以便招誘現在波匪已潰各軍正在搜查余逆諒不日可以全境肅清待參贊進至噶郎或赴傾多寺與鳳統領面商如何情形再為呈請特此申報伏乞鑒核湏至申者

為申報白馬岡一律肅清擬先設治事竊於七月初二日據管帶張鴻昇報称該營於月前奉令進駐拔多雄相机進剿遂於六月初八日進攻火熱大橋至時未見匪影百姓紛紛投誠此橋係據薄藏布江以南對白馬岡黃夷祚夷野番地方隨管帶去西藏喇嘛丹貞楚稱先行赴白馬岡宣慰如其投誠即以招安否則進兵駁剿至六月十五日丹貞楚稱同白馬岡酋長青曾及仁進邦頭人頓吉昂錯押解波密酋長白馬策翁及其弟德塞吉古全家首級來營投誠據稱自波密失后白馬策翁等逃至白馬岡之湏木地方不知悔過仍然聚兵反抗俟經緝仲喇嘛從中勦阻與約白馬策翁前往傾多寺面請鳳大人悔過格誠欵官必以寬待而德塞吉古云緝仲傾向欽官欲意殺之人民弗願迨逢丹貞楚稱來此宣慰如其幫助波密是為叛逆如其投誠同為大皇上百姓况大兵已至江邊倘若迟疑勢必入境求福求禍爾等自行決之小的等自生化外不知禮節只知大皇上能以保護人民遂與仁進邦頭人頓吉昂錯會商殺白馬策翁等除去后患特此前來投誠等語管帶復詢丹貞楚你俱為事實似此白馬岡投誠以南各部野番必望風跟踵前來此天假良機猶為我完籌画之深也管帶即优厚款

待青曾等留住一日派達長張會如率兵四十名押送青曾等赴洮台行營處理等因惧此前來旗經復訊與張管帶所報相同即令本地土人辨別皆云為白馬闕翁全家首級是真今白馬闕來歸誠如張管帶所云以南各部賾董而來設官分治東與察隅縣相連南橫印緬不使地方稍有甌脫巩固國防皆賴我帥之福也白馬闕酋長为人诚实據稱所轄百姓八百余戶情願改設漢官伏查白馬闕人煙須少而地方有關國防既已內附必先設官治理拟請暫設白馬闕設治局俟黃夷祚夷來降再改為理事官現經參贊札委王模同該酋長前往查勘地理山川形勢以及戶口并飭管帶張鴻昇約帶一二連同往會商辦理是否有當理合具文申請伏乞鑒核示遵須至申者

為申報邊軍回防波密全境肅清設官分治事竊於七月十四日案准川邊巡防新軍兼代西軍統領鳳山移咨內開本統領於七月初十日奉邊務大臣串令波密既平各營迅速回防駐紮并飭本統領前往八宿類伍齊查勘地方一同設治凡此次各營在前故所挾槍刀牛馬一并移交駐紮波密羅參贊接收等因奉此應請貴軍派兵填防並遴員來營點驗接收各物件以便趁程回防除稟呈邊務大臣及駐藏大臣外理合移咨貴參贊請頗查須至咨者

計開各營呈繳刀槍牛羊現在存堵傾多寺宜魯卡及宿木宗林宗寺等處火子槍共一千零四杆刀柔九百七十六件供器佛像共四千四百二十一件計八十二驮跳舞衣服及鼈龜卷子皮襖共二千三百九十一件計六十四驮零一支牛一千一百一十三頭羊一千八

百五十一支驃馬四百零七匹查封各處菜糧九倉外十八石六斗已  
发門牌护照誠百姓清冊一本共二千三百八十三戶江南十三村  
已投誠尚未發給护照門牌者不在此數合併聲明等因准此參贊即  
日令謝國樑全管分駐傾多寺松宗寺陳渠珍一營駐紮桑貢宿木宗  
等處標統駐紮噶郎并委張子丸等前往接收所获之刀槍牛馬去訖  
复查波密全境肅清地方沃壤誠為西藏之奧區設官分治宜早經管  
莫落人后惟地方辽阔如噶郎冬九桑貢宿木宗傾多寺湯墨滴金  
竹仁進邦等處均應設治乃因財政不濟僅可先擇其繁要之處設治  
拟將噶郎冬九改為兩县各設理事一員先行清查戶口錢糧將來西  
藏建省應添之處再為設置是否有當伏乞鑒核示遵須至申者羅長  
琦七月二十三日

## 方 位

本县在北經二十度东緯二十九度踞冬拉岡里嶺陽東依薄藏  
布江西倚德摩嶺其形勢南北長方如缺角一印以全县面積共三万  
八千零七十二方里其疆域北至八衣以色列拉瑪岡里嶺北與碩督县  
界西北與嘉黎县界東以薄藏布江與波密县界南亦薄藏布江南與  
白馬岡界西南與宿木黃夷野番界西以德摩嶺與工布界

## 治 所

本县治所據冬九小河二水合流之處就以前官寨為县府人民

八十余户环列而居綠柳青葱一风景区也

## 山 川

本县北由碩督县之魯貢喇山南伸一支名色拉瑪岡里嶺高拔一万一千余尺盘旋於北部东行入波密县界名普龙山环繞南伸入境名德摩嶺以东为甲米青山南行名独胸山以至县形势水向东流入江转向西南崇山深谷杂树弥縫一覆地也

## 道 路

本县北道路由县治北行越一土山六十里至按着宿逾坡龙山上一下七十里至桑貢海子过日貢河四十里至桑貢北通邊墳由桑貢海子沿河西北行七十里至八义宿六十里至祚密西北通嘉黎县桑貢海子一週六十余里地方沃野人煙稠密沿岸环居海中多魚其大重有百余斤者海邊多柳以皮船可渡往来綠叶黄花一风景区也

东路順冬九河东六十里至八朗登宿七十里至曲隆宿由此过江东通波密县八朗登当宣統二年陸軍管長陳渠珍率汉兵五百土兵三百进攻噶爾經此被困八朗登上倚高山下临深潭匪砌石卡數道上按滾木擂石战至昼夜而匪匿於河之南岸对面射击陸軍不支退亡过半一隙道也

南路出城逾甲米青山南行路道險窄拔枝攀藤七十里至火热宿路漸平埋六十里独胸宿踰独胸山拔多硝宿一薄多削七十里至

— 8 —

火熱大橋南通白馬岡由火熱大橋西北行經格布溝逾德摩嶺為通  
工布大道火熱大橋係騎薄藏布江此橋係天然生藤由兩岸自行勾  
接而成名曰藤橋長四十余丈不知几千年之物現在仍係活藤支  
葉密茂副於橋身人行其上誠為藤蔓映月一奇景也此種藤橋波密  
地方尚有數道有能行人不能行人者亦有高懸數百丈據土人云常  
有群猴假懸崖生藤為鞦韆兩相勾接而成一名猴橋

西路出城西行路道寬濶經寬泥墳六十里至腊左宿七十里至  
魯朗宿逾德摩嶺七十里至德摩宿西通工布宣統二年陸軍由冬九  
敗此凡死亡士兵葬於南山古邱聚共斜阳懒兵以詩悼之

古邱万里聚南山

碧血生燐月一湾

白骨堆中传涕息

深閨猶唱玉門關

## 氣 候

本县气候冷热不均县治北部极寒至零下三十度冬拉阿  
岭终年积雪多暴风係一游牧之地其南部沿江一带气候温和热至  
百余度产稻谷裸麦莜粟豌豆等年收二季产蜂蜜最佳产野山药野  
红重有数十斤食之蜜甜

## 花 木

本县北日貢河起南至江边杂树参天密茂成林为寨上极盛之

森林所产之松柏杉檜高至十余丈以四五人围之诚为大树将军有桃梨杏梅石榴葡萄香椿核头木桃山茶蔷薇凤仙紫荆迎春青竹藤萝及草本花草数十种不胜枚举所产之藤藏人作为馬鞭桿皆由此輸运销售康藏至境为一特产也

鳥    兽

与波密县同

藥    材

同    上

寺    院

| 寺名  | 教別 | 方位 | 人數   |
|-----|----|----|------|
| 雪波寺 | 紅教 | 中部 | 百余人  |
| 丽寃寺 | 紅教 | 中部 | 四十余人 |
| 东亞寺 | 紅教 | 中部 | 四十余人 |
| 美貢寺 | 黃教 | 北部 | 六十余人 |
| 渣礼寺 | 黑教 | 北部 | 二十余人 |
| 披聳寺 | 紅教 | 东部 | 四十余人 |
| 滴动寺 | 紅教 | 东部 | 四十余人 |

|         |     |     |      |
|---------|-----|-----|------|
| 喀 拉 寺   | 黑 教 | 东 部 | 三十余人 |
| 牛 末 宫 寺 | 黑 教 | 南 部 | 三十余人 |
| 噶 格 宫 寺 | 黑 教 | 南 部 | 二十余人 |
| 喃 却 宫 寺 | 黑 教 | 南 部 | 六十余人 |
| 琫 噶 尔 寺 | 紅 教 | 西 部 | 四十余人 |
| 甲 中 寺   | 黃 教 | 西 部 | 四十余人 |
| 仁 寶 寺   | 黃 教 | 西 部 | 三十余人 |
| 学 寺     | 黃 教 | 西 部 | 五十余人 |

## 风 俗

与波密同

## 遺 踪

罗長琦字申田湖南罗罗山之孙也以翰林院計名道分发四川  
 历充武备学堂总办新軍統領於宣統元年奉调入藏授為參贊大臣  
 代理陸軍同知与凤山剏办波密以冬九为司令部遂將所轄之地划  
 区分治以噶郎改为波密县冬九改为冬九其复置白馬同及工布設  
 治局全藏肃清拟設西藏為行省适逢鼎革未果罗長琦死焉

鍾穎字鼓鳴係將軍晋昌之予以知府隨父到夫惟慷慨既任協  
 統凡官兵均以自行訓練成軍上下一体故万里長征无一異言嗣后  
 因改波密至冬九捉糧退駐魯朗旋被撤職兵心不服況臨陣易將猶

為軍家不許鍾穎撤職調往拉薩任造幣廠總辦立辭不就末之許也

當川軍入藏經四川總督趙爾巽奏定照內地軍餉外加一兩二錢共四八錢另加草鞋費四錢以為津貼每月軍米一斗重三十斤定價八錢如有不願米者發裸麥二斗按月由餉內扣銀二兩作為安家費官長亦然俾兵無有內顧之憂一心為國服務比至西藏軍米加至二兩扣價在駐藏大臣聯豫之意令士兵盡食裸麥節省軍費乃川人刁慣食米驟食裸麥肚痛時逢波密之亂經統領鍾穎从中請求俟波密軍平定再設暨平之後仍照二兩四錢扣價於是士兵所得之餉不足一月之食立爭時川人有一種哥老會內分五堂各立公口其事者名龙头大爺凡會設名曰傳堂於是各營成立公口以為爭持米價之基礎猶非致亂羅長琦知之严人等亦适革命消息傳至各營公舉代表請罗释放罕办之人发还米价並謂聯大臣既不願川軍駐藏藉此起義或一同回川时罗着以随机处理不致变乱蓋士兵因扣米价而起仇聯並非仇罗況各營長官持重約束尚以服从命令時駐防波密軍隊有川軍第一第三兩營另兩連土兵一營罗長琦得内地消息已鼎革欲意先行回藏與聯豫面談再為處理遂於夜間輕騎出走於是各營大亂无法制止有經昌都回川者有奔回西藏者罗長琦行至德摩地方被遊趙本立罗玉林等勒斃而死波密隨以失囬此條本不列此因波密之乱而亡藏有关历史故而录之以备参考

憲兵以詩悼之

|         |         |
|---------|---------|
| 烟云万里鼎湖昏 | 望断鬚眉拭淚痕 |
| 拓土闢疆从社稷 | 藩屏植樹為乾坤 |
| 河山不沒儒林志 | 日月留傳賦玉門 |
| 未捷西南伸大節 | 千秋名表供朝啜 |

### 附白馬設治局

白馬岡一名白馬橫不屬人管之野番也藏名老卡止明季吳世璠王雲南其酋長名落花者赴丽江獻馬封為落花王由此聲勢西南自立為國與藏相約以為流放之所每十二年達賴喇嘛來此講經一次如達賴有事另派大喇嘛代表宣講凡西藏僧俗罪過十年者皆流軍於此經酋長分配鄉間囚於樹上其囚糧由土人供給期滿放回如有竊逃者被野番拏獲格殺無論受剝皮剝手之刑蓋人皮入手售與藏中喇嘛作為符具竟成慣例有云野番生啖人肉係謂此也至宣統三年波密酋長白馬策翁逃亡於此官兵追剿野番恐懼遂殺白馬策翁迎師投誠改為白馬岡設治局

其地在北經二十度東經二十八度踞拉噶木斯嶺之脊西倚薄藏布江其疆域北界冬九曲界工布東受壤南與猶猶渝夷犬牙相錯西南一隅與印度之薩郎雅相連气候溫和产五穀鳥兽成群森林弥漫花果遍山一风景区也

其俗半为裸体无文字弗知礼节凡女子至十五岁就於酋長慾后自配生兎多不知其父也崇拜鬼神有病无药祈祝天母死后零遲

喂犬或掷於水中喂魚誠為野番

其酋長以採猎較射力能常畜養虎豹尊波密工布為張領每年七八月間率領野番將所產之药材皮革輸至德摩掉換鹽茶糖布以及所需之物名曰游牧交易時駐藏大臣派兵彈壓保護遵從約束至波密失陷有川軍一連於此駐防因路道梗斷不能回藏與酋長交涉全體繳械由妥墳經察隅县回川有不願回家者配以妻女安家樂業者數十人是此野番天真之純僕大有太古之風

附白馬岡喇嘛寺係為黑教有曾族寺地樓寺貢格寺崗佈寺松黃寺甘崩寺辟真寺丹布寺

宣統三年波密失陷有川軍排長李成芝被俘囚於白馬岡至民國七年與藏交涉放回面談此事甚詳簡而錄之以備參考懶兵附之一詩記之

裸體渾然負本真

茹毛飲血共風神

真豎白馬羣皇世

太古當年是野人